

اداره مرکزی :

انقره ، معارف امینلک یاننده کی دائره
استانبول جاده سنده انقره

استانبول بوروسی :

استانبولده ، انقره جاده سنده 87 نومروه
دائرة مخصوصه

حیات

هیاته دائره هیاته ... دنیاه دها هرر هیاته قاتالم ...
- انچه -

نسخه سی هبرده 15 غرورده .

سنه لکی بوسته ایله 7,5 لیرا .
(اجنبی مملکتلر ایچین 7,5 دولار)

ابونه راعلان ایشلری ایچین استانبول بووونه
مراجعت ایدیلمر .
یازی ایشلرنک مرجعی انقره مرزیدر .

صافی : 89

انقره 9 ، آغستوس ، 1928

4 نجی جلد

مصاحبه

صیبه

کچن کون بر آرقاداشمله استانبولک مسیره
محللرندن برینه کیتمشدم . اوطوردیغ یرک
جوارنده ایکی سویملی چوجوق اوینایورلر ،
قوشویورلردی . ارقده آچاچ دینندن برسس
اونلری چاغیردی :

— هادی مادمازهک یاننه کیدیکز ،
اورادن آیریلاییکز ! چوجوقلری اک طبیعی
حرکت وانشه دن محروم ایله یین بو اخطار جانمی
صیقمشدی . آنه نك چوجوق اوزرنده کی بو
فائده سز تحکمندن متأثر اولدم . یاننده کی ارقاداشمه
شکایت ایتدم . ارقاداشم بو طائله یی طانیورمش ،
آکلانندی : بو ایکی سویملی چوجوغک تربیه سی
مکر آچاچ آلتنده اوطوران واننه کچن اوتلری
چیکنه مکه مشغول اولان مادمازهله مودوع ایتمش .
بابا و آنه کویا چوجوقلرینه ایی باقق ایچین
بو قرق بشلاک روم قادینی بولمشلر ، بو واسطه
ایله فرانسزجه ده اوکره ته جکلر مش . مادمازه ل
ده نیلن ماهیتی مجهول بو قادیندن چوجوقلرده ایی
اعتیادلر تولیدینی و یوکسک استعدادلر انکشاف ایتد
یرمکی بکه یورلر مش . چوجوغنی بک اوغلندن تدارک
ایدیلش صریبه النده بو یومک وقتیه استانبولک
ساخته آریستوقراسی منسوبلری ایچین مودا
ایدی . بویله بو یون چوجوقلر ایچنده تورکلکنی
وانسانلغنی محافظه ایتمش اولانلری بن طانیایورم .

بونوع تربیه ، هیچ برمفکوره ، مقدس هیچ
برشی طانیایان زوپیه وینسز ، زواللی مخلوقلر
یتیشدیردی . اوزمان چوجوقلرینی بو یابانچی
وروحلری اعتباریله ملوث قادیلرله تسلیم ایدنه لر
برانسانده ، برتورک و وطنداشده آراناجق اوصافی

بیلمه یورلردی . غرب مدنیته تماش کوزلری
قاماشدیرمش ، هر نه بهانه سنه اولورسه اولسون
چوجوغنی محیطدن اوزاقلادیرمق بر معرفت
تلقی اولونمشدی . صوکیکرمی سنه دنبری کچیردیکمز
انقلاب بو ذهنیتله مجادله ماهیتنده اولدینی خالده
مع التأسف حالا بعض قافالرده هیچ برده کیشیکلک
وجوده کتیره مه مشدر . اسکی پاشا قوناقلری
سوندی ، شیمدی بر پارچا قازانچی یولنده اولانلر
عینی قوناقلری روم ، یهودی صریبه لریله ،
اوراده حکم سورهن دوشونجه طرزیه احیا
ایتمکه قالیورلر .

بنم کوردیکم روم قادینی چوجوقلرینک
صریبه سی اولارق اوینه صوقان بابا و آنه اک ابتدائی
تربیه مدلولنه واقف دکدر . صریبه دیه آلدقلری
بو قادین قونوشدینی تورکجه ایله زواللی یاوروجقلرک
شیوه سنی بوزویور ، بایاغی طوری ایله چوجوقلر
اوزرنده اک فنابز تاثر یاپیور . بو کامقابل چوجوقلره
بش اون کله فایته بوزوق فرانسزجه اوکره تمه سی
نصمت عد ایدیلیور . بو بابا و آنه اون کله
فرانسزجه اوکره تمک ایچین چوجوغنی بو یابانچی
روحلی ، معلوماتسز ، ماهیتی مجهول قادینلنه
ناصیل بیر اقییورلر ، حیرت ایدیورم .

بو حال منفرد دکدر . غرب مدنیتنی تمث
نامی آلتنده کور بر حرکتله هر نوع انسانی
و ملی مفکوره لری آتمغه اوزهن یکی بر زمهره
تشکل ایتمکده در . بو زمهره نك یتیشدیره جکی
یارینچی چوجوقلر ، بروقت بک اوغلی قالدیرملرینی
دولدوران بینسز ، معلوماتسز ، قوزموپولیت

پاشازاده لردن ، زوپه لردن فرقلی اولمایا جقدر .
بونک اوکینی آلمق لازمدر . فقط ناصیل ؟
بر کره بیلملی یزکه چوجوق بابا و آنه نك هر صورتله
تصرف ایده بیله جکی « برمال » تلقی اولوناماز .
بابا و آنه چوجوغنه ایسته دیکی تلقینی یانمغه ،
ایسته دیکی الله تودیعنه مأذون دکدر . ابونک
چوجوغنی یتیشدیرمکده معین وظیفه سی واردر .
بو وظیفه ، چوجوغک یاشایانچی ملی محیطدن
اوزاقلادیر یلاسنه و اونک قوتلی انسان اولارق
یتیشمه سنه مانع اولمغه مساعدده ایده مزه . چوجوغنی
ایچین بویله زهرلی بر محیط حاضر لایان بابا و آنه
اطرافک تقییه حیلله قارشیلشالیدر . بویله بر اخلاقی
حساسیتدر که هر هانکی بر صورتله یاکلش یوله
کیدن بابا و آنه یی دوعرو یوله سوق ایدیر ،
چوجوقلری قورتاریر .

بو آداملره قارشی دائما ماضی نی کویسترملی ،
یوزلرینه قارشی شوئلری ده ملی یز : « افندیلر
دونکی قوناقلرک چوجوقلرندن بو مملکت وانسانلق
نه خیر کوردی که یاورولر کنزی عینی صورتله
یتیشدیرمکه چالیشیور سکنز ؟ بک اوغلی محصوللرینی
ناصیل او یکزه آلییور ، ناصیل چوجوغنکیزی
اونلره تسلیم ایدیور سکنز ؟ چوجوقلر یکزه
لسان اوکره تمکمی ایسته یور سکنز ، اونک مختلف
یولی واردر . نهایت بونده چوق استعجال ایتمک
ایسته یورسه کنز ، مکتبلرک بویولده کی تدریساتندن
ممنون دکلسه کنز ، چوجوغنکیزی بر اجنبی مملکتده کی
ای برعائله یاننه کوندره وه بیلیر سکنز . چوجوق
اوراده هیچ اولمازسه مدنی بر طائله یاشاپیشنی
وتربیه سنی کورور ، ملی محیطدن اوزاق اولمغه

اوه برنجی عصره دأر برویقه

منظوم بر اثر

اسکي کتبخانه لرمزدن برنده محفوظ یازما بر کتابک ظهرينده مهم بر منظومه به تصادف ایتشم . اون برنجی عصرک ، خاصه دوردنجی مرار دورینه عائد ظلم واعتسافلرینی حکمدارک یوزینه وورا وورا هایقیران بو پارچانک صاحبی مشهور قاضی زاده یدی . شیمدی به قادر هیچ بر یرده تصادف ایدیلین بو وثیقه یی کچن سنه حیات مجموعه سنده تاریخ عراقلیسی قارئلرمنه عرض و تقدیم ایتشم .

برکون کوپرلی زاده محمدفؤاد بک عینی موضوع و طرزده یازیلش قصیده لردن مرکب بر اثرک بروسه کتبخانه لردن برنده اولدیغنی- معارف وکالتی کتبخانه لر مدیری حسن فهیمی بک افاده سنه عطفاً- خبر ویدی . صوک کونلرده وظیفه دولایسیله بروسه ده بولوندم . فرصندن استفاده ایدره ک اوکوزل شهرک قیمتدار کتبخانه لرینی آراشدیرادم . خیلی استفاده ایتدم . بو میانده حسن فهیمی بک بحث ایتش اولدیغنی مجموعه یی ده موزه ده کی کتابلر آراسنده بولدم . افاده لری بوتون منظومه لره بر آدامک مالی اولدیغنی کوستریور . فقط بو نسخه خیل ای بریسی طرفندن یازیلشدر . املا خطالری چوقجه در . مع هذا تصنیفیه طرزى ؛ اساس افاده ، قائلکده قوتلی بر شاعر اولق شویله دورسون ، نظم سهولتنه بیله مالک اولمادیغنی احساس ایدیور . مجموعه نك عمومی عنوانی :

بو مولود اولدی نورس توحید

بو مولودی سون اولدی موحید

مقابل ابی برعائله ایله تماس امکاتی بولور . فقط بک اوغلندن کتیردیکنز مریه چوجوغک شیوه سنیه ، معنویاتی ده بوزار . بو آدم لره اوتنه دنبری دیل لردن دوشورمد- کلری ترانه لری واردر : مکتبلریمزک ویردیکی تحصیل و تربیه یی بکنمزلر ، چوجوقلرینی خلق چوجوقلری آراسنده بولندیرمق ایسته مزلر . متبادیا مکتبلری تنقید ایله یی بو آدم لره نه تربیه و تحصیل حقنده بر فکرلری ، نه مکتبلره تاسلری واردر . تورک معلم لرینی بکنمه یی بوینسنز بابا و آننه نهایت چوجوقلرینی بک اوغلندن بولوب اولرینه صوقدقلری مریه نك الله ویرمکن چکینمزلر . ادرا کسزلکک بودرجه سنه انسان حیرت ایدر .

محمد امین

بو مولود اسمیدر « مفتاح جنت » ایکنجی اسمیدر « باب عدالت » پارچاسیله آکلادیغمز کبی ، باشدن باشه دوردنجی مراده خطاب ایدن « مفتاح جنت » ک : نفسمز ضبط ایدلم اول شها صوکر دین سیفن صالالم هر یکا امتحان ایله سوزوم طوبی ای مراد هر مرادکه اولاسک بر مراد

کبی بیتلریله ضمناً ، و : شیخ عبدالقادر کیلانیدر پیرم نیم همتی سلطانیه یردن کوکه دک زردبان . . . کبی سوزلریله صراحتاً قائلنک طریقت اهل بر آدام اولدیغنی ده اوکره نیورز . بو آدام کندی افاده سنه نظراً بر کیجه رؤیاسنده « حضرت محمدی » کورویور وایشته اثرک میدانه کله سنه بورویا سبب اولیور :

بن دکلم سویله یی احمد دیلی سویله اوغلم دیدی بکا اول ولی بر کیجه رؤیاده کوردم حضرتی حق تعالینک حبیبی حضرتی دیدی ای صدیقمز کل کیت بکا یورو آغزمدن خبر ویر امتا [*] بونلری تربیه ایله حق ایچون بر نفس ویرمه صاقین بو خلق ایچون

اودور حقنده خیل آغیر اتهاملری ده احتوا ایدن بویله بر اثری قلمه آلابیلک ایچون قائل اولان ذات بورویا بهانه سنی ضروری اولارق بولشدر دییه بیلیرز . بونقطه یی تأییداً بر قاچ بیت داها اوقویالم :

بن کیم احمد دیلندن سویله ییم ترچام اول دیدی تعلیم ایدم من دخی دریا کبی جوش ایلدم حقدن اوزکینی فراموش ایلدم زاهدک عقلی ایریشمز رازیمه منکر ایرمز طالتجق آوازیمه

خان مرادم کلشم ارشادیکه حسبه لله اولان ارشادیکه ذاتکله کلام او یاندیرمق ایچون اوصوسمز خنکاری قاندرمق ایچون باشمی طوب آتشم میدانه من آرقا یاردیم اولشم سلطاننه من پادشاهم سنده باکه آرقا اول عن قریب حکمکده اول صاغ وصول . . .

[*] امتا : امته

بوندن صوکر اساسه کیریشیور : بر مرادجه وزیر ی بوله کور اهل حق بینظیری بوله کور حسبه لله اولا هر جنبشی بریزنده اولیه بر یا کلشی رأیی تدبیری کتاب الله اولا فکری ذکری دائماً الله اولا

حق یوانده قورقایه هیچ کیمسه دن شاشیاه یا کیلمایه هیچ قبله دن بر الی سیف اوله برنده کتاب بول وزیر ی بویله ای عالی جناب آرا بول اهل ایله بیتمز بوایش بولزیسه ک هر ایشه کندک قاریش

حمدالله ایچی طیشی آکلادک باخصوص آیاق دیوانن ایلدک آیده بر کره آیاق دیوانن ایت صوکر واز سیر سلوک ک کزه کیت

حق دیه ن جانه عدو خلق جهان اول اجادن اولدیکنز کوزدن نهان حق دیسه جلاده دیرلر مسکینی یا آنک جرار ایدرلر اسمنی تامکر سن آرقه یاردیم اوله سک اهل حق آرامزدن بوله سک

دیکه خنکارم بنی ، شاد اوله سک جمله غم لردن هپ آزاد اوله سک مشتقله کلشم بن ذاتکله آینه مدن قیل نظر مرآتکله بددعالر ایله ظالم لره ایسته انصافک خدادن بولره

کیسی ال آیاق سکا کیسی قنات قاتی لازمدر بولر ای عالی ذات بر صوچیه بونلری عزل ایله بش صوچیه بونلری قتل ایله آلتی صوچده قتل ازلک اولمادی

بلکه انصافه کلا سهو ایلدی اهل حق تا ابد عزل ایله معصین نا اهله تبدیل ایله ظالمی بش بیله بر عزل ایله کیده رک اصلاح اوله رد ایله بلکه آنتنجی سنه عادل اوله جاهلیسه بلکه ده کامل اوله

شرق وغربی قبضه آلفسه مراد منصبی عزل ایله تیز تیز مراد قائل اوله مشربک اولسون حلیم انس وجنی ضبط ایدر قلب سلیم دشمن ایلر دوستنی اهل غضب قیل مدارا ، دوستلغه اوله سبب . . .

آشاغیده کی سطرلر دوردنجی مراده « عدالت » ک

اهمیتندن بحث ایدیور :